

ՏԱՇՔԵՆԴԻ ՄԻԱՑՅԱԼ ԳԻՏԱԿԱՆ ՍԵՍԻԱՆ

1959 թ. մայիսի 26—29-ը Տաշքենդում տեղի ունեցավ ՍՍՌԿ Գիտությունների ակադեմիայի, Ուզբեկական, Տաջիկական, Կիրգիզական, Թուրքմենական Սովետական Սոցիալիստական Ռեսպուբլիկաների Գիտությունների ակադեմիաների միացյալ գիտական սեսիան, նվիրված Միջին Ասիայի Ռուսաստանին միանալու պրոգրեսիվ նշանակությամբ:

Սեսիային, բացի Մոսկվայի, Լենինգրադի և Միջին Ասիայի ռեսպուբլիկաների բաղմանդամ ղեկավարներից, մասնակցում էին նաև միութենական և ավտոնոմ գրեթե բոլոր ռեսպուբլիկաների պատվիրակությունները:

Կազմկոմիտեի նախագահ, Ուզբեկական ՍՍՌ Գիտությունների ակադեմիայի պրեզիդենտ Ա. Արդուլաևը, բացելով սեսիան, համառոտակի նշեց քննության դրված խնդրի գիտական, քաղաքական և միջազգային կարևոր նշանակությունը:

Սեսիան լսեց Միջին Ասիայի Ռուսաստանին միացնելու, հատկապես նրա պրոգրեսիվ հետևանքների տարբեր հարցերին նվիրված վեց զեկուցում, որոնց շուրջը տեղի ունեցավ մտքերի լայն փոխանակում:

«Միջին Ասիայի միացումը Ռուսաստանին» զեկուցումով հանդես եկավ Տաջիկական ՍՍՌ ԳԱ իսկական անդամ Ս. Ռաջարովը:

Նախառեղյուցիոն շրջանում Ռուսաստանի և արտասահմանյան երկրների արևելագետները, ճանապարհորդները, հրապարակախոսները և ռազմական գործիչները տարբեր կողմերից ու տարբեր դիրքերից են գնահատել Միջին Ասիան Ռուսաստանին միանալու պատմական իրադարձությունը: Սակայն այդ բոլոր աշխատություններում էլ հարցը ճշմարտացի, գիտական մեկնաբանում չի ստացել: Նրանցում չի բացահայտվել միջինասիական ժողովուրդների սոցիալ-տնտեսական դրությունը, ներքին ու արտաքին քաղաքական այն պայմանները, որոնք հանգեցրին Թուրքեստանի պրավմանը և որ ամենակարևորն է չի արտացոլվել այդ երկրամասը ռուսական պետությանը միացնելու հետևանքները: Այնուհետև զեկուցողը նշում է, որ ոչ ռուս ժողովուրդների, այդ թվում նաև Միջին Ասիայի ժողովուրդների միանալը Ռուսաստանին սխալ է արտացոլվել Մ. Պոկրովսկու և նրա շկոլայի կողմից:

Թուրքեստանը Ռուսաստանին միացնելու գնահատության հարցում, միանդամաբն անրնդունելի է նաև այսպես կոչված «չարիքների փոքրագույն» ֆորմուլան:

Թուրքեստանը Ռուսաստանին միացնելը, ասում է Ս. Ռաջարովը, խոշոր պրոգրեսիվ նշանակություն ունեցող մի երևույթ էր: Այն նախապատրաստված է եղել ռուսական և միջինասիական ժողովուրդների նախնիքաց պատմությանմը, նրանց տնտեսական, քաղաքական և կուլտուրական կապերի զարգացմամբ: Այդ կապերը զալիս են դարերի խորքից, նրանք հետագա վարդացում են

առանում ռուսական կենտրոնացված պետության ձևավորումից հետո, Պատմական այդ կապերի ու շփումների ընթացքում գնալով ավելի ու ավելի է երևան գալիս Ռուսաստանի քաղաքակրթող դերը Թուրքեստանի ժողովուրդների նկատմամբ:

Միջին Ասիայի արտաքին քաղաքական վիճակը այնպիսին էր և պատմական իրադարձությունները այն ուղղությամբ էին ընթանում, որ նա պետք է ընկնէր Անգլիայի տիրապետության տակ և դառնար նրա գաղութը և կամ կուլ գնար արևելյան խոշոր դեսպոտական պետություններից մեկին՝ սուլթանական Թուրքիային կամ շահական Պարսկաստանին:

Թուրքեստանի համար XIX դարի երկրորդ կեսին ստեղծված այդ պայմաններում միակ ելքը Ռուսաստանին միանալու մեջ էր:

Ղազախստանի միացումից հետո 1864 թ. սկսվեց և արդեն 1867 թ. Ռուսաստանին միացվեց Միջին Ասիայի տերիտորիայի մեծ մասը, ուր կազմակերպվեց Թուրքեստանի նահանգը՝ Տաշքենդ կենտրոնով:

Ժողովրդական մասսաները տառապելով ֆեոդալների դաժան ինքնակառնությունից, հարկային ծանր լծից ու միջֆեոդալական ընդհարումներից, շահագրգռված էին ու ձգտում էին միանալ Ռուսաստանին, որից իրենց զրույցային լավացման սպասումներ և ակնկալություններ ունեին: Միայն տեղական իշխողների առանձին խմբեր աշխատում էին ինչ գնով էլ լինի, պահպանել հին կարգերն ու իրենց ինքնուրույնությունը և այդ նպատակով կազմակերպում էին դիմադրություն և առանձին՝ չակառուսական ապստամբություններ: Չնայած ռեակցիոն ֆեոդալական վերնախավի, մուսուլմանական հեգեմոնիկայի ու անգլիական գործակալության գործունեությանը, ժողովրդական մասսաները իրենց հիմնական մասով ձգտում էին միանալ Ռուսաստանին: Հասարակ ժողովուրդը ասում էր. «Ռուսը եկավ՝ բարիքը եկավ»:

Միջին Ասիայի և Ղազախստանի առաջավոր մտածողները՝ Ա. Կուսանբաև (1845—1904 թթ.), Ա. Դոնիշ (1827—1897 թթ.), Ֆուրկատ (1858—1909 թթ.), և շատ ուրիշներ տեսնում և հասկանում էին Թուրքեստանը Ռուսաստանին միանալու խոշոր պրոգրեսիվ գերը: Այդ բանը արտացոլվել է նրանց աշխատություններում ու ասույթներում:

Մյուս կողմից, տնտեսական և քաղաքական տեսակետից, Միջին Ասիայի միացումը համապատասխանում էր ռուսական կապիտալիզմի զարգացման պահանջներին ու շահերին: Թուրքեստանի միացման հետևանքով հսկայական չափով մեծացավ Ռուսաստանի տերիտորիան, ամրապնդվեց նրա արևելյան սահմանները: Ցարիզմը ձեռք բերեց արտահանման լնդարձակ շուկա և հումքի անսպառ աղբյուր: Միջին Ասիան դարձավ գաղութ և դաժանորեն շահագործվում էր:

Այնուհետև զեկուցողը անդրադառնում է Թուրքեստանը Ռուսաստանին միացնելու սոցիալ-տնտեսական, քաղաքական և կուլտուրական պրոգրեսիվ հետևանքներին:

«Միջինասիական ժողովուրդների շփումը ուստի ժողովրդի ռեուլուցյոն պայքարին, որպես Միջին Ասիան Ռուսաստանին միացնելու կարևորագույն պրոգրեսիվ հետևանք» թեմայով հանդես եկավ պատմ. դիտ. դոկտոր Ա. Պյասկովսկին (ՍՍՌՄ Գիտությունների ակադեմիա):

Միջին Ասիայի պատմության վերաբերյալ ամենից ավելի տարածված սխալը, ասում է զեկուցողը, դա ցարիզմի ու նրա ղեկի ղուսադարդուն է: Երա

պատճառն այն է, որ շփոթվում է երկու տարբեր հարցեր, Յարական ինքնակալության զավթողական-գաղութային քաղաքականությունը Միջին Ասիայում, ինչպես նրան բազմիցս բնութագրել է Վ. Ի. Լենինը, այն օբյեկտիվ-պրոգրեսիվ գերի հետ, որը կատարվել է Միջին Ասիայում և մյուս ազգային ծայրամասերում նրանց Ռուսաստանին միացնելու հետևանքով: Ամենևին հաշվի չի առնվում պատմական այն իրողությունը, որ Ռուսաստանի ազդեցության շնորհիվ, Միջին Ասիայի ժողովուրդների տնտեսական, քաղաքական ու կուլտուրական կյանքում կատարվող ամեն մի առաջադիմական քայլ իրագործվել է ցարիզմի կամքին ու նրա շահագործողական, ազգային-գաղութային քաղաքականության հակառակ:

Ցարիզմը շահագրգռված չէր կապիտալիստական հարաբերությունների զարգացման գործում, ընդհակառակը աշխատում էր պահպանել հին նահապետական-ֆեոդալական հարաբերությունները: Սակայն տնտեսական աներեր օրենքների հիման վրա կապիտալիզմը ցարիզմի կամքին հակառակ իր համար ճանապարհ հարթեց և զարգացավ Միջին Ասիայում:

Ցարիզմը վարում էր այնպիսի քաղաքականություն, որպեսզի արգելակի տեղական պրոլետարական կազմերի առաջացման պրոցեսը, շնայած դրան հենց այդ ժամանակ Ռուսաստանում սկսեց ձևավորվել արդյունաբերական պրոլետարիատը:

Երկաթուղիները ցարիզմը կառուցում էր իր ռեակցիոն գաղութային նպատակների իրականացման համար, սակայն հակառակ նրա ցանկության, ինչպես հայտնի է, երկաթուղայինները միաժամանակ խոշոր պրոգրեսիվ դեր են կատարել:

Դեմոկրատական ու սոցիալիստական առաջավոր իդեաները, հասկանալի է, թափանցել են Միջին Ասիա ցարիզմի ցանկությանն ու կամքին հակառակ:

Այնուհետև զեկուցողը նշում էր, որ Միջին Ասիայում ցարիզմի ռեակցիոն դերը հավաստող նման փաստերը կարելի է շատ բերել, սակայն այդ ամենը ոչ մի կապ չունեն Միջին Ասիան Ռուսաստանին միացնելու պրոգրեսիվ հետեւականների, Ռուսաստանի և ռուս ժողովրդի ազդեցությամբ կատարվող պրոգրեսիվ պրոցեսների հետ: Անհրաժեշտ է տարբերություն դնել ցարիզմի և ռուս ժողովրդի միջև, ժողովուրդ, որի լավագույն զավակները ոչ մի կապ չունեն և խառազանում էին ցարիզմի այդ քաղաքականությունը: Այսպիսով, Միջին Ասիան Ռուսաստանին միացնելու պրոգրեսիվ նշանակության վերհանումը ամենևին չի հակասում ցարիզմի գծով ու ավագակային քաղաքականության ընդունմանը՝ այդ երկրամասում:

Հետևաբար ամենևին հարկ չկա գունազարդելու ցարական միապետությունը, մեղմացնելու նրա ռեակցիոն քաղաքականությունը: Քաջ հայտնի է, որ Միջին Ասիայի գերակշռող մասը ցարիզմի կողմից գրավվել է ղենքի ուժով: Պատմահական չէ, որ Գեոք-թափա, Կլըլ-Արվատ, Չիմքենդ, Ջիզակ, Խոջենդ, Սամարկանդ, Տաշքենդ և այլ ամրոցներ ու քաղաքներ գրավվել են մեծ զժվարությամբ, մի քանի անգամ պաշարելուց հետո միայն:

Միջին Ասիան Ռուսաստանին միացնելու ժամանակ երկու տենդենց է երևան եկել, ընդ որում երկուսն էլ պրոգրեսիվ են եղել: Առաջինը ուղղված է եղել ազգային պարփակվածության ու ֆեոդալական մասնատվածության ոչնչացմանը և ժողովուրդների տնտեսական մերձեցմանը: Երկրորդը՝ հանդես են եկել այդ միացումը բռնությամբ կատարելու փաստի դեմ և պահանջել է ժողովուրդների

միացումը կամավորության ու համագործակցության հիմունքներով, որը, ի դեպ այն ժամանակվա պատմական պայմաններում չէր կարող իրագործվել:

Որոշ պատմաբաններ կարծում են միացման կարևորագույն պրոգրեսիվ նշանակությունը կայանում է նրանում, որ Թուրքեստանում ղարապետ է կապիտալիզմը, քայքայվել և աստիճանաբար անհայտացել է նախնական սոցիալական ֆեոդալական հարաբերությունները:

Զժխտելով տնտեսական այդ ֆակտորի կատարած առաջադիմական դերը, Ա. Պլասկովսկին գտնում է, որ հիմնականը, կարևորագույն պրոգրեսիվը դա Ասիայի ժողովուրդների շփումն է ուսումնասիրողի ռեոլյուցիոն պայքարի հետ: Դրա շնորհիվ միայն ճախկին Թուրքեստանի ժողովուրդները ստացան իրենց ազգային ազատագրումը:

Միացումից հետո Միջին Ասիան սերտորեն կապված լինելով մետրոպոլիայի հետ սկսեց արագորեն բնակեցվել ուսումնասիրյալ: Բավական է ասել, որ XX դարի սկզբներին արդեն երկրամասի երկաթուղիներում աշխատում էին 15.000 ուսումնասիրող և այնտեղ բնակվում 100.000 ուսումնասիրողներ:

Թուրքեստանը հանդիսացել է քաղաքական աքսորյալների (նարոդնիկներ, պետրաշևականներ, սոցիալ-դեմոկրատներ) վայր:

Քանի որ Միջին Ասիայի միացումը փաստորեն ավարտվեց 80—90-ական թթ. ավելի ուշ, քան մյուս ազգային շրջանների միացումը, այդ պատճառով էլ պատմական արևմտ ելած ուսումնասիրող դասակարգը ղեկավարեց նրա պայքարը ոչ միայն ցարիզմի ու ֆեոդալական լծի, այլ նաև կապիտալիստական շահագործման դեմ:

Այդ տեսակետից խոշոր դեր կատարեց 1905—1907 թթ. ռեոլյուցիան: Ռեոլյուցիայի ազդեցության տակ Թուրքեստանի աշխատավորությունը ավելի է կապվում ուսումնական ռեոլյուցիոն շարժման և ուսումնասիրող դասակարգի հետ: Ռուսական առաջին ռեոլյուցիան հզոր խթան է հանդիսացել Թուրքեստանում ազգային ազատագրական շարժման բնույթի փոփոխման, տեղական բնակչության քաղաքական դաստիարակության գործում:

Այնուհետև ղեկուցողը հանգամանորեն ցույց է տալիս սոցիալ-դեմոկրատական կազմակերպությունների գործունեությունը, մարքսիստական գրականության տարածումը, բուլշևիկյան թերթերի կատարած դերը:

Ռուսական առաջին ռեոլյուցիայի տարիներին Թուրքեստանում գործում էին 15 սոցիալ-դեմոկրատական կազմակերպություններ, այնտեղ հրատարակվում էին բուլշևիկյան լեզալ թերթեր՝ «Ռուսկիյ Թուրքեստան» (Տաշքենդում) և «Սամարկանդ» (Սամարկանդում): Ռեոլյուցիայի նախօրյակին և նրա տարիներին բավական լայն կերպով տարածվում էր մարքսիստական-լենինյան գրականություն, լենինյան «Իսկրա», «Վսլերիոդ», «Պրոլետարի», «Նովայա ժիզն», «Վոլնա», «Բորբա պրոլետարիատ» թերթերը:

Թուրքեստանի ՌՄԴԲՊ կազմակերպությունը մեծ տեղ էր տալիս ազգային հարցին, մասսաներին բացատրում նրա էությունը, խոշոր պրոպագանդիստական, բացատրական աշխատանք տանում բնակչության մեջ:

1905 թ. արդեն ռեոլյուցիոն-ազատագրական պայքարի պոթենցիալներն են տեղի ունենում Թուրքեստանի շատ գյուղերում: Բավական փաստեր կան ուսումնասիրողության և տեղական բնակչության համատեղ պայքարը հավասարության:

1916 թ. Միջին Ասիայում և Ղազախստանում սկսվեց հզոր ազդային-ազատագրական շարժում, որը տարրեր պոռթկումներով շարունակվեց մինչև փետրվարյան հեղափոխություն:

1917 թ. ավելի ընդլայնվեց ու ամրապնդվեց ռուսական հեղափոխություն շարժման և Միջին Ասիայի ժողովուրդների հեղափոխություն-ազատագրական պայքարի կապերը:

«Հոկտեմբերյան սոցիալիստական Մեծ հեղափոխության արմատական հեղաշրջում է Միջին Ասիայի ժողովուրդների պատմական բախտում», — այսպես էր գնահատում հաջորդ թեման, որով հանդես եկավ պատմական գիտ. թեկնածու Շ. Թաշլիևը (Թուրքմենական ՍՍՌ Գիտությունների ակադեմիա): Զեկուցողը խոսեց Հոկտեմբերյան սոցիալիստական Մեծ հեղափոխության հետևանքով սոցիալական և ազգային ճնշման վերացման մասին, ցույց է տալիս, որ Կոմունիստական պարտիայի և Սովետական իշխանության ազդային քաղաքականությունը արտահայտվել է «Ռուսաստանի ժողովուրդների իրավունքների ղեկավարացիա»-ում և «Ռուսաստանի և Արևելքի մոսկովյանական աշխատավորությանը» կոչում:

Թուրքեստանում խաղաղ ճանապարհով իշխանությունը Սովետներին անցնելը ավելի բարձրացրեց բուրժուական նացիոնալիստներին, որոնք 1917 թ. նոյեմբերի 27-ին Կոկանդում հրապարակեցին երկրամասի մոսկովյանական համագումար, որ հռչակվեց «Թուրքեստանի ավտոնոմիա»-ն և ստեղծվեց բուրժուա-նացիոնալիստական կառավարություններ, որոնք սակայն երկար կյանք չունեցան: 1918 թ. հունվարին Սովետների երկրամասային շորթորդ համագումարի պատվիրակները արտահայտվեցին բուրժուա-նացիոնալիստական կառավարությունների դեմ, իսկ նույն թվականի ապրիլին գումարված Սովետների հինգերորդ համագումարը Թուրքեստանը հռչակեց ավտոնոմ ռուսապետական ՌՍՖՍՌ-ի կազմում: Թուրքեստանի հաղթանակը խոշոր հեղափոխականացնող նշանակություն ունեցավ Բուխարայի էմիրության և Խիվայի խանության վրա, որտեղ 1920 թ. սկզբներին հաստատվեցին սովետական կարգեր:

Սովետական իշխանությունը Թուրքեստանում ամրապնդելու նպատակով 1919 թ. աշնանը ուղարկվեց ԿԳԿ և ՌՍՖՍՌ ժողովուրդների կոմիտեի, որի կազմում էին այնպիսի խոշոր պարտիական և պետական գործիչներ, ինչպիսիք են՝ Մ. Վ. Ֆրունզեն, Վ. Վ. Կուլիշևը, Շ. Զ. Էլիազան, Յա. է. Ռուժուտակը, Յ. Ի. Գոլոշենկինը և ուրիշները:

Զեկուցողը այնուհետև հարուստ փաստեր է բերում պրոլետարական, գյուղատնտեսական, առողջապահական, մանկավարժական առաջավոր կադրերով, Միջին Ասիայի ժողովուրդներին ռուս ժողովրդի ցույց տված եղբայրական օգնության մասին:

Հոկտեմբերյան սոցիալիստական Մեծ հեղափոխության ծնունդ հանդիսացող Միջին Ասիայի ազգային ռուսապետականների գոյությունը վառ օրինակ են հանդիսանում ճնշվող ազգերի համար և մեծ թափ հաղորդում Արևելքում ազգային-ազատագրական շարժմանը:

ՍՍՌՄ ԳԱ լիցենզիա-անդամ Ա. Արդուլանը, անտ. գիտ. դոկտոր Ա. Ամինովը և Ուզբեկական ՍՍՌ ԳԱ իսկական անդամ Ի. Մուսինովը գնահատում արին «ՍՍՌՄ սոցիալիզմի հաղթանակի հետևանքով Միջին Ասիայի ազգային ռուսապետականներում արդյունավետության, գյուղատնտեսության և ժողովրդական բարեկեցության վերելքը» թեմայով:

Հոկտեմբերյան ռևոլյուցիայից հետո ամենայն սրությամբ դրվեց տնտեսապես և կուլտուրապես հետամնաց ազգային փոքրամասնությունների հարցը: Պարտիան իր դործունեության հիմք դարձրեց Լենինի հայտնի ցուցումը, ըստ որի առաջավոր երկրի պրոլետարիատի օգնությամբ հետամնաց երկրները կարող են միանգամից անցնել սոցիալիզմին՝ շրջանցելով կապիտալիստական զարգացման ստադիան:

Զեկուցողները փորձ են անում Միջին Ասիայի ազգային ռեսպուբլիկաններում համառոտակի բնութագրել սոցիալիստական վերափոխության պատմական փորձը:

Նրանք սովետական հասարակարգի զարգացման պատմությունը բաժանում են երեք հիմնական շրջանների՝ կապիտալիզմից սոցիալիզմի անցման, սոցիալիզմի լրիվ ու վերջնական հաղթանակի և կոմունիզմի ծավալուն կառուցման շրջանի:

Սոցիալիզմից կոմունիզմին անցնելու շրջանում պարտիան Միջին Ասիայում հիմնականը համարում էր տնտեսության և կենցաղի մեջ ֆեոդալական-նահապետական և բուրժուական հարաբերությունների լիկվիդացիան: Բազմաթիվ փաստերով ցույց է տրվում միջինասիական ժողովուրդների ձեռք բերած խոշոր հաջողություններն այդ ասպարեզում:

ՍՍՄԿ-ում սոցիալիզմի լրիվ և վերջնական կառուցման երկրորդ էտապում ցցուն կերպով երևան եկավ Միջին Ասիան Ռուսաստանին միացնելու խոշոր պրոգրեսիվ նշանակությունը: Միացման շնորհիվ միջինասիական ժողովուրդները կարողացան սոցիալիզմ կառուցել նախկինում տնտեսական ավելի բարձր աստիճանում կանգնած ժողովուրդների հետ միաժամանակ:

Այժմ Միջին Ասիայի ժողովուրդները Սովետական Միության մյուս ժողովուրդների հետ միասին թևակոխել են պատմական նոր շրջան՝ կոմունիստական հասարակարգի ծավալում կառուցման ժամանակաշրջան, որի ընթացքում այդ ռեսպուբլիկանների էկոնոմիկայում նոր որակական փոփոխություններ են կատարվելու:

Ամեն մի էպոխան բնորոշող ժողովրդական տնտեսության և կուլտուրայի վերաբերյալ զեկուցման մեջ բերված հարուստ փաստերից երևում է, որ Միջին Ասիայի ժողովուրդները պատմական համեմատաբար կարճ ժամանակաշրջանում ձեռք են բերել հսկայական, իրոք համաշխարհային-պատմական նշանակություն ունեցող հաջողություններ:

«Կուլտուրական ռևոլյուցիան Միջին Ասիայի ռեսպուբլիկաններում, որպես Հոկտեմբերյան սոցիալիստական Մեծ ռևոլյուցիայի կարևորագույն արդյունքներից մեկը» զեկուցումով հանդես եկավ Կիրգիզական ՍՍՌ ԳԱ իսկական անդամ Ա. Ալթմիշբաևը:

Զեկուցողը նշում է, որ Միջին Ասիայում, Լենինի խոսքերով ասած, իշխում էր նահապետականություն, կիսավայրենություն և հենց իսկական վայրենություն: Ճիշտ է, ուզրեկները, տաջիկները և ղազախները ավելի առաջ էին անցել թուրքմենների, կիրգիզների և կարակալպակների նկատմամբ, սակայն տարբերությունը մեծ չէր: Նրանց բոլորի մոտ էլ հավասար կերպով տիրում էր նահապետականությունը:

Սովետական իշխանության տարիներին կուլտուրական ռևոլյուցիայի հետևանքով միանգամայն այլ պատկեր է ստացվել: Կուլտուրական ռևոլյուցիայի ամենակարևոր արդյունքներից մեկն այն է, որ Միջին Ասիայում վե-

յացվել է անգրագիտությունը, ձևավորվել ու զարգացել է ազգային ինտելիգենցիան, իր մեջ ընդգրկելով բազմազան ու բազմատեսակ մասնագետներ: Բավական է նշել, որ միայն Ուզբեկստանում կան 200.000 մասնագետներ, բարձրագույն, միջնակարգ մասնագիտական կրթությամբ, այսինքն այնքան, որքան ցարական ռոջ Ռուսաստանում 1913 թվականին:

Կինը, որ հնում ստրկուհի էր ինչպես տանը, այնպես էլ հասարակական կյանքում, այժմ Լրկրի տնտեսական, քաղաքական և կուլտուրական կյանքում չկա մի այնպիսի բնագավառ, որտեղ նա ակտիվ մասնակցություն չունենա:

Այնուհետև զեկուցողը հարուստ փաստական նյութով ցույց է տալիս միջինասիական ժողովուրդների սոցիալիստական կուլտուրայի ձևի և բովանդակության, գիտության, լուսավորության, ժողովրդական կրթության, առողջապահության բնագավառներում, մարդկանց հոգեկան աշխարհում կատարված վիթխարի փոփոխությունները:

Վերջին զեկուցումը՝ «Սովետական Արևելքում սոցիալիզմի հաղթանակի միջազգային նշանակությունը» թեմայով կարդաց ակադեմիկոս Ի. Մինցը:

Զեկուցողը առաջ է քաշում Միջին Ասիայի ժողովուրդների պատմության մի քանի կարգիմալ հարցեր, որոնք միջազգային խոշոր նշանակություն ունեն և ազդում են մասնավորապես Արևելքի ժողովուրդների պայքարի ընթացքին: Իրանցից հիմնականներն են. Սովետական իշխանության առաջին տարիներին ազգային հարցի լուծումը և պատմական շատ կարճ ժամանակաշրջանում շահագործումը, տնտեսական-կուլտուրական հետամնացությունը հաջող կերպով լիկվիդացնելու Միջին Ասիայի ռեսպուբլիկաների փորձը: Այդ փորձը աշխարհի կախյալ ու գաղութային երկրներին տվեց շահագործումից ազատվելու և նոր հասարակարգ կառուցելու օրինակ: Միջին Ասիայում իրագործված կուլտուրական ռեուլյուցիան մեծ նշանակություն ունի ազգային ազատագրության համար պայքարող ժողովուրդների համար:

Զեկուցումներից հետո տեղի ունեցավ մտքերի լայն ու բազմակողմանի փոխանակություն, որին մասնակցեցին երեսուն ընկերներ:

Ինչպես զեկուցողները, այնպես էլ ելույթ ունեցողներից շատերը (Ս. Յակուրովսկայա, Ա. Ֆադեև, Ուրազալիև և ուրիշներ), բազմաթիվ փաստեր բերեցին, թե ինչպես յուրօրինական պատմագրությունը իր կաշվից դուրս է գալիս, ցույց տալու համար, որ իբր Միջին Ասիայի ռեսպուբլիկաները զրկված են սովետական իրավունքից, նրանց ժողովուրդները շարունակում են ճնշվել ու շահագործվել:

Ամերիկյան պատմաբան Ռիչարդ Պիտսպը (Հարվարդի համալսարան) «գտնում է», որ Սովետական իշխանությունը իր ազգային քաղաքականությամբ Միջին Ասիայում ստեղծել է տարբեր ազգեր, այնտեղ իրավամբ մեկ ազգ կա, դա մուսուլմանական ազգն է: Նրա կարծիքով Թուրքեստանի ժողովուրդը այնքան չի հասունացել, որ ունենա իր սեփական պետականությունը:

Անգլիական պատմաբան Վիլերը 1956 թ. հրատարակած «Ռուսները և Միջին Ասիան» հոդվածում ճշմունտ է ցույց տալ, որ Միջին Ասիայում Սովետական իշխանության վարած քաղաքականությունը ոչ այլ ինչ է, եթե ոչ ցարիզմի քաղաքականության շարունակությունը:

Միջին Ասիայի սովետական ռեսպուբլիկաների գոյությունը, տնտեսության և կուլտուրայի բնադավաճումը նրանց ձևոր բերած աննախագեպ հաջո-

զուլթյունները ինքնըստինքյան մերկացնում են բուրժուական պատմաբանների Ներշնչանքները:

Մտքերի բախում և աշխույժ փոխանակություն տեղի ունեցավ մասնավորապես պրոֆ. Պյասկովսկու գեկուցման շուրջը:

Հնկ. րնկ. Զ. Ռաջաբովը, Էրկանը (Տաջիկական ՍՍՌ), Նարիեր, Քամալովը (Ուզբեկական ՍՍՌ), Սաֆրամանը (Թուրքմենական ՍՍՌ) դեմ են արտահայտվում և չինացիներին Պյասկովսկու Միջին Ասիան Ռուսաստանի կողմից ղենքի ուժով զրավվելու տեսակետը: Նրանք հիշեցնելով Հյուսիսային Կիբիզիայի, Թուրքմենիայի և Տաջիկստանի մի շարք շրջանների կամավոր միացումը գտնում են, որ Միջին Ասիան իր հիմնական մասով ոչ թե զրավվել, այլ կամավոր միացել է Ռուսաստանին:

Պրոֆ. Ա. Ֆադեևը (Մոսկվա), Սուլեյմանովը (Ղազախական ՍՍՌ), Ռուսլակովը (Թուրքմենական ՍՍՌ) պաշտպանում են Պյասկովսկու տեսակետը:

Ելույթ ունեցողների մեծ մասի կողմից իրավացի կերպով հարց բարձրացվեց բազմակողմանիորեն ուսումնասիրել նախկին Թուրքեստանի տարբեր մասերի ու ժողովուրդների միացման շրջանի պատմության բոլոր կողմերն ու երևույթները և պարզել, թե կոնկրետ Միջին Ասիայի որ մասը պատմական ինչ պայմաններում և ինչպիսի եղանակով է միացել Ռուսաստանին:

Պրոֆ. Ս. Տոլստովը (Մոսկվա), Ս. Աղաջանովը (Թուրքմենական ՍՍՌ) իրենց ելույթները նվիրեցին Միջին Ասիայի ժողովուրդների և Ռուսաստանի պատմական կապերին ու շփումներին, մի հարց, որը սեսիայում համեմատաբար թույլ լուսարանվեց:

Հայկական ՍՍՌ Գիտությունների ակադեմիայի ներկայացուցիչ Ծ. Աղաջանն իր ելույթում, անալոգիայի կարգով, համառոտակի ուրվագծեց Հայաստանի սոցիալ-տնտեսական ու քաղաքական ծանր վիճակը Ռուսաստանի հետ միանալու նախօրյակին և ցույց տվեց միացման խոշոր պրոգրեսիվ դերը հայ ժողովրդի համար: Այնուհետև պրոֆ. Ծ. Աղաջանը նշեց Հայաստանի ու Անդրկովկասի համեմատությամբ Միջին Ասիան Ռուսաստանին միացնելու տարբերություններն ու յուրահատուկ կողմերը:

Սևսիայի աշխատանքներն ամփոփեց ՍՍՌԳ Գիտությունների ակադեմիայի պատմական գիտությունների ակադեմիկոս-քարտուղար Ե. Մ. Ժուկովը: Նշելով, որ սևսիայի ընթացքում սարաձաճություններ եղան հատկապես Միջին Ասիան Ռուսաստանին միացնելու հարցում նա դանդաղ է, որ երկու ծայրահեղություններից էլ անհրաժեշտ է խույս տալ: Ընկերների մի մասը միացման հարցը այնքան լայն են վերցնում, և միջինասիական ժողովուրդների կյանքում կատարված տեղաշարժերն այն աստիճան վերադրում նրան, որ ակամայից, որոշ առումով, նսեմացնում է Հոկտեմբերյան ռեյոլյուցիայի դերը Պատմական իրականությանը չի համապատասխանում նաև հակառակ տեսակետը, որը հանգեցնում է մինչհոկտեմբերյան շրջանի Ռուսաստանի կատարած դրական դերի թերագնահատմանը: Բոլոր դեպքերում անհրաժեշտ է նկատի առնել և կրնել այն հանգամանքից, որ Միջին Ասիան Ռուսաստանին միացնելու ձևը, ինչպիսին էլ որ լինի նա, չի կարող խանգարել կամ հակասել նրա խոշոր պրոգրեսիվ նշանակությանը:

Սևսիայում տեղի ունեցած մտքերի լայն փոխանակությունը, առում է ակադ. Ժուկովը, անկասկած կնպաստեն սովետական Արևելքի ժողովուրդների պատմության ակտուալ հարցերի բազմակողմանի մշակմանը:

Նա գտնում է, որ սեփական թույլ լուսարանվեց կամ դեթ շուտարան-վեց միացման տնտեսական, քաղաքական, մասամբ նաև կուլտուրական նշանակությունը Ռուսաստանի համար:

Իր ելույթի վերջում Ծ. Ժուկովը պատմաբանների առաջ խնդիր է դնում ուժեղացնելու պայքարը բուրժուական իդեոլոգիայի դեմ, որը կանգ չառնելով փաստերը կեղծելու առաջ, աշխատում է սեպ խրել ինչպես Սովետական Միության մյուս ժողովուրդների, այնպես էլ ռուս և միջինասիական ժողովուրդների բարեկամության մեջ:

Սեփան անցավ գիտական և քաղաքական բարձր մակարդակով, ՍՍՄՄ ժողովուրդների անխախտ բարեկամության նշանաբանով:

Վ. Բ. ԲԱՐՈՒԴԱՐՅԱՆ